

Zamjenik predsjedavajućeg Predstavničkog doma BiH Nikola Špirić:

Vraćanje pasoša Hasanu Čengiću je prst u oko SAD

Teško zemlji u kojoj vlast minimizira kriminal i zločin, kaže Špirić

Nikola Špirić, zamjenik predsjedavajućeg Predstavničkog doma Parlamenta BiH, ocijenio je u utorak na konferenciji za novinare u Sarajevu da zahtjev parlamentarne Komisije za vanjsku i ekonomsku politiku da se **Hasanu Čengiću** vrati pasoš predstavlja "prst u oko Sjedinjenim Američkim Državama".

Ponukan odlukom Komisije da putem Kolegija Doma naroda zatraži od suda BiH vraćanje pasoša Čengiću, Špirić je kazao kako su neke osobe u ovoj zemlji "zaštićene kao mečke".

"Teško zemlji u kojoj vlast minimizira kriminal i zločin", rekao je Špirić i dodao da optuženi funkcioneri snose političku odgovornost od onog momenta kada se potvrde optužnice. Špirić je nezadovoljan i odlukom Ustavnog suda BiH jer je stao u zaštitu svog predsjednika **Mate Tadića**, koji se tereti za kriminal i korupciju.

Parlament ne treba da se miješa u sudske procese

Komisija za vanjsku i trgovinsku politiku Doma naroda Parlamentarne skupštine BiH najbolje može pomoći budućnosti BiH u njenom pristupanju Evropskoj uniji ako se ne bude miješala u sudske procese.

Ovo je u utorak za *Fenu* izjavio glasnogovornik OHR **Vedran Peršić**, komentirajući informaciju da je spomenuta komisija dostavila Sudu BiH izvještaj u kojem traži vraćanje pasoša **Hasanu Čengiću**.

"Teško državi u kojoj strane sudije čuvaju njen dignitet, dok su domaće sudije optužene za kriminal", istakao je Špirić.

Prema njegovim riječima, vlast u BiH nema mogućnost da se

Komisija za vanjsku i trgovinsku politiku, kojom predsjedava Čengić, dostavila je Sudu BiH izvještaj u kojem je pohvalila rad svog predsjedavajućeg, kako bi sudsko vijeće lakše donijelo odluku treba li Čengiću vratiti oduzete pasoše.

Hasan Čengić je optužen za zloupotrebu položaja i ovlasti, a Sud BiH mu je naredio da im preda svoje pasoše, što je Čengić ispoštovao 17. marta.

uhvati ukoštac sa problemima korupcije i kriminala.

On je dodao i to da se postavlja pitanje Čengićevog političkog uticaja, ali i koga sve Čengić, kojem je zabranjen ulazak u SAD, kontroliše u BiH.

Špirić smatra da je Dom naroda državnog Parlamenta trebao preuzeti odgovornost i na čelo Komisije za vanjsku i ekonomsku politiku umjesto Čengića imenovati novu osobu. "Sve to predstavlja moralnu odgovornost bh. političara", rekao je Špirić, i dodao da će moralna obnova društva trajati mnogo duže nego rat i poratna obnova.

Sud BiH oduzeo je pasoš Hasanu Čengiću zbog postupka koji se pred ovim sudom vodi protiv njega, ali i zbog sumnji da bi iznenada mogao napustiti BiH.

V. ŽIVAK

RS - Haški sud



Haški tribunal

Vujadin Popović sutra odlazi u Hag

BANJA LUKA - Direktor Sekretarijata Republike Srpske za odnose s Haškim sudom i istraživanje ratnih zločina **Jovan Spajić** i predstavnici ambasada Francuske i Njemačke u BiH složili su se tokom razgovora u Banjoj Luci da je značajan broj osoba optuženih za ratne zločine odlučio da iskoristi institut dobrovoljne predaje, navodi *Fena*.

Prvi savjetnik francuske amb-

asade u BiH **Michel Charbonnier** i prvi savjetnik njemačke ambasade u BiH **Ullrich Kinne** iskazali su priznanje vlastima RS za dosadašnje rezultate koje su postigli u saradnji s Tribunalom, saopćeno je iz ovog sekretarijata.

Direktor Sekretarijata je rekao sagovornicima i da je **Vujadin Popović**, koji se nalazi na haškoj listi optuženih, najavio da će 14. aprila dobrovoljno otići u Hag.

Susret Terzić - Ishanoglu



Razgovarano o unapređenju saradnje

Foto: Dž. KRIJEŠTORAC

Podrška članica OIC

Predsjedavajući Vijeća ministara BiH **Adnan Terzić** i generalni sekretar Organizacije islamske konferencije (OIC) **Ekmeleddin Ihsanoglu** razgovarali su u utorak u Sarajevu o unapređenju saradnje između naše zemlje i zemalja članica OIC, saopćeno je iz Vijeća ministara BiH.

Terzić je izvijestio generalnog sekretara Ihsanoglu o reformskim procesima i napretku koji je BiH postigla naročito u oblasti ekonomije i naglasio značaj rasta bruto nacionalnog proizvoda u prošloj godini.

On je istakao aktivnosti koje Vijeće ministara BiH provodi s ciljem otvaranja bh. tržišta za strane investitore i pozvao poslovne ljude iz zemalja članica OIC da ulažu u BiH.

Ihsanoglu je izrazio ohrabrenje dosadašnjim rezultatima i naglasio podršku zemalja članica OICBiH. On je dodao da BiH kao zemlja sa statusom posmatča u OIC ima mogućnosti korištenja fondova ove organizacije, naročito u socijalnom sektoru i oblastima obrazovanja, zdravstva i povratka izbjeglica.

Nakon odbijanja zahtjeva za određivanje pritvora Sud ne vjeruje da Jelavić može pobjeći

Advokat Muselimović očekuje da će od 19. maja Jelavić biti na slobodi

Šef posebnog odjela za korupciju organizovani i privredni kriminal Tužilaštva BiH **Džon Mekner** nije želio otkriti da li će Apelacionom vijeću Suda BiH uložiti žalbu na odluku Vanraspravnog vijeća, koje je u ponedjeljak odbilo njegov zahtjev za određivanje pritvora **Ante Jelaviću** u "slučaju hrvatska samouprava".

Mekner je u utorak kazao da Tužilaštvo nije dobilo odluku Vanraspravnog vijeća Suda BiH u kojoj stoje razlozi za odbijanje zahtjeva za određivanje pritvora Jelaviću, te da stoga ne može govoriti o daljim potezima.

Jelaviću pritvor teče od 20. maja 2004. godine kada je potvrđena optužnica za Hercegovačku banku, a Sud BiH nije uvažio zahtjev Tužilaštva za određivanje pritvora u slučaju samouprave. Zakon o krivičnom postupku predviđa da se može biti u pritvoru mjesec dana, što znači da bi



Ante Jelavić

se Jelavić mogao naći na slobodi 20. maja ove godine.

Njegov advokat **Josip Muselimović** očekuje da će se to desiti 19. maja po sili zakona, ukoliko Apelaciono vijeće potvrdi odluku Vanraspravnog vijeća Suda BiH.

Muselimović kaže da je Mekner svoj zahtjev za određivanje pritvora temeljio na strahu od Jela-



Džon Mekner

vičevog bjega i njegovog uticaja na svjedoke - oficire HVO, naspram čega su stajali argumenti odbrane koja se pozvala na Zakon o krivičnom postupku BiH, ocjene o razumnom roku trajanja pritvora, praksi bh. suda, ali i suda u Stazburu, te konvencije o ljudskim pravima i slobodama.

Az. K.

Reg. No: I2622

Class. No: CE 15

Helsinški komitet za ljudska prava BiH Studenti na udaru seksualnih napasnika

Helsinški komitet za ljudska prava u BiH izražava zabrinutost zbog sve češće pojave seksualnog uznemiravanja studenata od univerzitetskih profesora, saopćeno je u utorak.

Ovim se, navodi Helsinški komitet, grubo krše ljudska prava i ugrožava dostojanstvo stu-

dentske omladine. "Pozivamo sve žrtve seksualnog nasilja iz studentske populacije da nam se obrate i prijave slučajeve seksualnog uznemiravanja, pri čemu ćemo maksimalno zaštititi identitet svake žrtve i zauzeti se za sankcionisanje počinitelja", kaže se u saopštenju.